



31615

Mag. St. Dr.





LAURENTII MIZLERI

Philol. & Med. Doctus, P. M. V. Medicus

Acad. Scientiarum in Bonn. Socius

CONSULTATIO

de

Necessitate collegii medicorum

Auctoritate Regis

Parisiensis

scripsit Laurentius Mizler

1715

Typ. L. M. Schöner in Col. 1715

ANNO 1715

1803 1875. IX. 27

3131

3048

5872

LAURENTII MIZLERI

Philos. & Med. Doctoris, Pract. Varſauienſis
Societ. Scient. m. in Germ. Socii

CONSULTATIO

de

Necesseitate collegii medici

Auctoritate Regia

Z DUPLIKATOW
BIBLIOTECY
XX CZARTORYSKICH

Varſaviae erigendi.



VARSAVIAE

Typis R.M. & Reipub. in Coll. Schol. Piar.

Anno I. S. MDCCLII

12.9r



Sanitatem pretiosissimum esse hominum thesaurum, omnisque felicitatis humanæ fundamentum, qui neget, opinor, reperiri forte neminem. In tanto enim pretio apud omnes fere homines est integritas corporis mentisque, ut homo agrestis sanus principe ægroto perfectior habeatur feliciorque, neque malo nititur fundamento illa apud omnes gentes introducta consuetudo quærendi ex aliis, quomodo se habeant, videlicet, utrum sani sint, recte credentes, omnia bene futura, si a sanitate haud sint alieni.

II

Hanc autem, quam DEUS ac natura largitus est hominibus sanitatem, non omni vitæ tempore conservari, eosque variis ex causis de ea iterum deturbari posse, experientia testatur quotidiana. Et quem porro fugit, ægrotum hominem neque DEO, neque Reipublicæ neque rebus domesticis, neque amicis, ut inseruiat, aptum esse. Cum igitur sole meridiano clarius appareat, maximam rem in vita humana esse sanitatem, manifeste patet necessitas eam conservandi amissamque restituendi, neque male me fecisse puto, qui vi officii ductus, de necessitate collegii medici Varsoviæ auctoritate Regia erigendi, hoc est, de maiori adhibenda diligentia in hominum sanitate & conservanda & restituenda, deque eiusmodi instituti emolumento in publicum redundante, dixerim.

III

Ante autem quam ulterius progredi in enarrando gravi hoc argumento possim, opus videtur mihi duas variorum in Polonia hominum præceptas animo opiniones, quæ sanitatem hominis vitamque attineant, prius evertere. Sunt multi, qui sibi persuadeant, medicamenta omnia, vel ad conservandam vel restituendam sanitatem plane non esse necessaria, & naturam ipsam morbos & auertere & sanare. Verum est, sapientissimum omnium rerum creatorem corpus humanum, ut & aliorum animalium corpora ita construxisse, ut iidem motus, qui ad perniciem machinæ, ex partibus fluidis & solidis compositæ, tendunt, ansam dare debeant, ut materia intus corpori noxia hærens, & alteretur, & in salutem corporis euacuetur, corporisque motus præter naturam existentes in naturales iterum mutantur. Hoc ita quibusdam, iis in primis qui robusto sint corpore & iuvenes, evenire posse, nemo medicorum negabit. Sed verissimum etiam, experientia quotidiana teste, reperimus, multos esse morbos, quos naturæ conatus nullo modo possint superare. Ut clarius tibi hoc sub oculos cadat, varia dabo exempla.

pla.

pla. Arteria vel vena maior, casu vel studio incisa, mortis causa erit, sicut & omnia graviora vulnera, nisi chirurgus te obliget, & symptomata, quæ graviora vulnera comitari soleant, vel idem vel medicus auertat. Frustra expectabis a natura opem. Hydrops, lues venerea, epilepsia, phthisis, dysenteria cruenta epidemica, febris acuta maligna, pestis, & plures alii morbi, forte omnes a natura sanantur? vix audebis hoc affirmare. Quam multi enim homines his morbis, veris medicaminibus ad eos tollendos carentibus, fuerunt interempti, & quam multi ab iisdem fuerunt medicorum cura, vera pollidentium remedia, liberati conservatique? Innumera medicorum observationes typis impressæ hoc testantur. Necessitas igitur atque insignis utilitas medicinæ ita clare iam patet, ut manibus tractare queas. Præterea ipsa nostra Polonia testis est, iis in regionibus, quæ carcant medicis, plures interire homines, quam in iis, quæ illis fruuntur, licet simul affirmarim, plures homines empiricorum ignorantia e medio tolli, quam medicorum cura servari, id quod non tam arti, quam paucitati verorum medicorum imputandum. Abusus enim nunquam tollit usum.

IV

Quam plurimi tandem oculorum morbi ita sunt comparati, ut in vanum ab ipsa natura expectes auxilium, & nisi forte experientissima ophthalmiatri manu fruaris, orbatus sine dubio eris splendida illa luce, quæ tam multum ad vitam beatam confert. Credo iam satis clare me probasse, medicamenta & ad conservandam & restituendam sanitatem omnino esse necessaria, neque minus tamen & sequentia mihi adicienda videntur. Credisne tu, inconsiderate medicinæ contemtor, DEUM & naturam frustra aliquid facere. Non credo, dices. Ergo nec credere debes, DEUM & naturam frustra tam multas radices, herbas, mineras producere quotannis, quæ omnia, si recte aptentur, sanitati hominum inseruiunt egregie. Atque adeo natura, auctore DEO, ita provida, ut in iis ipsis locis, quibus certi quidam morbi præ cæteris dominantur, etiam copiosius remedia contra eosdem morbos reperiantur. Hinc locis mari Balthico vicinis, in Dania, Belgio, locis ubi scorbutus magis endemius, copiosissime crescit cochlearia, scorbuti antidotus, locis paludosis, eidem malo obnoxiiis, nasturtium aquaticum vberim provenit; absinthium, raphanus rusticanus, locis, ubi obstructions mesenterii magis vigent. Vide *Th. Barthol. Tr. de Medicina Danorum*, ex quo hæc excerptit Wedelius in *amœnitat. Mater. Med.* p. 27. Adiciamus endemium morbum in Polonia esse plicam, ubi etiam muscus clauatus, seu lycopodium, quæ herba & singularia dicitur, verum huius morbi specificum, in copia variis in locis invenitur. Re vera eiusmodi sibi solis sapientes, inferiores bestiis homines ponunt. Illæ enim vi instinctus a natura inditi, medicinam quærunt, & bufo plan-

(82)

plantaginem, vim alexipharmacam habentem contra araneas applicat. Cervus distamnum querit, passeris canarii herba asine se purgant. Ibis avis adstricta aluo aduncitate nostri per eam partem se perluit, & ipse sibi clysterem applicat. Capra oculi punitionem instituit. Si his omnibus errorem, in quo, ratione medicinarum, versaris, nondum tibi exemerim, plura non dicam. Sis istis animalibus imprudentior, per me licet.

V

Alter valde noceus error, in quem magna Polonorum pars rapitur, est hic: Deus unicuique certum quendam vitæ curriculum circumscripsit, cui neque prorogari, neque derogari potest. Si illud vitæ curriculum in eo sit, ut iam finiatur, nil iuvare omnia medicamenta, si nondum finitum sit, inutiles esse medicinas, ægrotum enim etiam sine iis non moriturum. Quamvis variis, qui non satis docti & perspicaces sint, hæc positio vera videri possit, monstrabo nunc non tantum perniciosum, sed etiam impium esse errorem, eumque ex ignorantia maxime & pia superstitione ortum trahere.

VI

Ante omnia rerum nexus demonstrari debet, quod hoc modo potest absolvi. Nil sit in universo sine ratione sufficienti vel fortuito, & inter principium & principiatum datur nexus, hoc est, principium in se continet rationem eius, quod dicitur principiatum. Ergo est nexus etiam inter causam & effectum, & non plus potest esse in effectu, quam fuit in causa, nilque potest esse causa sui ipsius, vel se ipsum producere. Si ergo sit rerum nexus, si verum sit, patrem causam esse filii, pluviæ fecunditatis terræ, solem luminis, manifestum est, omnes eventus in universo contingentes habere veritatem suam determinatam, seu certas esse, & dari rerum nexum, hoc est, effectum sequi non posse, nisi posita causa. Asserto semel rerum nexu, sponte corrui necessitas eventuum absoluta, & hypothetica tantum vera manet. Cum enim hominum actiones & propensiones liberæ sint, fieri non potest ut Caius inebrietur, cum sanus nil præter aquam bibat. Cum porro nullus finis sine mediis, nullus effectus sine causis intermediis obtineatur, patet fatum Mahumedanum, Stoicum, Astrologicum, Spinozianum, figmenta esse, sapientiarum divinæ contraria. Quo enim maior rerum harmonia, & quo plures res ita inter se connexæ, ut altera per & propter alteram sit, eo mundus divina est sapientia dignior. Non dicam, omnes leges, pœnas & præmia vana esse, si omnia absolute in mundo contingere debeant, sed hoc dicam, te impie Deum auctorem omnium malorum facere, si contendas, omnia absolute ita fieri debere. Si autem hoc negas, neque homo etiam ante terminum secundum naturæ leges a Deo constitutum absolute mori debet. Probavi enim omnes eventus non absolute, sed positis causis intermediis fieri.

Vitæ autem

tem curriculum secundum naturæ leges a Deo hominibus circumscriptum, raro secundum Mosis effatum excedit octoginta annos, licet quidam centum & plures annos vivant, ideoque distinguendum inter causam naturalem, quæ unica tantum in consolidatione vasorum minimorum temporis tractu paulatim facta, consistit, & præternaturalem, quarum numerus satis magnus. Non tantum autem causa mortis naturalis auerri non potest, sed sæpius etiam præternaturalis, si vel incuria morbus iam maior factus, quam ut medicamenta eum superari possint, vel partes quædam corporis nobiliores iam putrefactæ, vel violentia ruptæ aut discissæ sint. Ita vere dixit *OVIDIUS* Lib. I, de ponto.

Non est in medico semper releuetur ut æger

Interdum docta plus valet arte malum.

E contrario scimus, multos homines etiam a periculosissimis morbis medicorum ope liberari, & medicus doctus genuinis ad omnes morbos remediis gaudens, omnes absolute morbos curare debet, si nulla adhuc nobilior corporis pars putrefacta aut violentia rupta vel discissa sit, medicus in tempore adhibeatur, atque ægrotus omnia medici præcepta obseruet. Pudor enim omnino pro medico merito est, si quis ægrotum ex febre, dysenteria, pleuritide, atrophia, hydrope omento nondum putrefacto, ictero, lue venerea &c. in cura eius moriatur, cum hi morbi & plures alii sub dicta conditione semper sint medicabiles, sed dolendum multos medicos ad multos morbos non habere medicamenta, quæ tamen benigna & ditissima natura largiter ipsis suppeditaret, si debita diligentia quærerent. Neque enim satis mihi esse videtur, scire causam morbi & qua ratione curari debeat, sed & vera & efficacissima ad eum curandum possidere medicamina.

VII

Erronea igitur ista sententia ita erit corrigenda: Deus unicuique certum quendam vitæ curriculum secundum naturæ leges ab ipso datas, hoc est secundum causas in vita præcessas, constituit hypothetice, mortis causas autem præternaturales homo, cæteris paribus, & auertere & promovere potest. Intelligi etiam hoc facile potest a posteriori. Si enim absolute certo quodam tempore mori debeat homo, neque venenum ante illud tempus sumtum ei nocebit, neque, si ex turri se præcipitet, ante illum diem morietur. Dubito autem fore, ut quisquam eiusmodi experimentis errorem suum confirmare velit. Cum nunc manifestum sit, hominis vitæ curriculum non absolute esse determinatum, ex eo ipso sequitur, hominem corporis sui sanitatem & conservare & perdere posse, prout vel bene vel male secum agit. Deus enim hominibus actiones liberas reliquit, ut & male & bene facere possint, sin minus, neque bona facta, gratus remunerari, neque mala iuste punire possit.

Satis

VIII

Satis ex his apparet, errorem de quo dixi, non solum perniciosum esse, quia homines eo capti omneque medicorum auxilium contemnentes facile interire possunt, cum adhuc reipublicæ in gloriam diuinam potuissent inferuire, sed etiam impium, quia, eo concessio, Deus omnium malorum auctor dicitur. Ignorantia huius erroris maxima causa, rerum nexu minus recte perspecto, quemadmodum pia est superstitio, posthabitis, quæ Deus in salutem hominum creauerit, medicamentis, medicisque in scriptura sacra ægrotis commendatis, supernaturale solum expectare auxilium diuinum.

VIII

Cum igitur cognouimus, sanitatem pretiosissimum huius vitæ esse thesaurum, eamque & conseruari & restitui posse medicamentorum ope, necessitas atque insignis præstantia medicamentorum & medicorum manifeste patet. Quam ob causam in omnibus etiam totius Europæ ciuitatibus maioribus, publica auctoritate, collegia medicorum ob publicum bonum instituta sunt, sola excepta Varisavia.

X

Quam maxime autem necessarium sit, ut Varisaviæ in primis instituantur medicorum collegium Regia auctoritate, paucis sed ponderosis probabo argumentis, simulque in fine adiciam speciminis loco eiusmodi collegii medici leges, quarum observatio in publicum maxime redundat.

XI

Neminem fugit huc usque omnibus circumforaneis, empiricis, vetulis, medicinam facere liberum fuisse, multosque homines ægrotis medicinas adhibere, qui neque nomina morborum, neque medicamentorum vires, ne dicam scientias ad medicinam recte faciendam absolute necessarias, didicerunt. Si quis horum quendam ex ignorantia trucidat, nulla inquisitio, nullum examen instituitur, nilque superest, nisi patientia læsorum. Hoc autem malum, nemo melius quam collegium medicum sanare potest, quod armata manu gaudeat, & mox disparebunt isti generis humani inimici, cum nemini liberum fuerit, medicinam exercere, quam iis, qui examinati a collegio medico testimonium de doctrina medica habeant. Ob vnicam hanc causam præter alias nunc dicendas, iam necessitas collegii medici & emolumentum publicum patet.

XII

Scimus porro ex abusu in Polonia inueterato nullam esse fere distinctionem inter chirurgum & medicinæ doctorem promotum, omnesque medicinam administrantes doctoris nomine a Polonis insigniri. Venit chirurgus ex Gallia vel Germania in Poloniam, qui sæpius neque praxin neque fidem domi inuenerit, degit per aliquot menses inter Polonos, variisque sanguinem mittit, vel clysterem cum successu applicat, iam doctoris nomi-

ne

ne salutatur, & tractu temporis assuefactus titulo, opprobrio sibi esse credit, ridiculum dictu, chirurgi nomen, itaque audax euadit, ut intricatissimos morbos suscipere non dubitet, atque adeo medicos probatos ac iuratos doctrina æquiparare velit, per quod non solum multi ægroti læduntur ac moriuntur, sed tanta etiam oritur confusio, ut sæpius ægroti nesciant, quem medicum, ex tam magna sic dictorum medicorum doctorum turba, adhibere debeant. Instituto autem collegio medico & hoc inconueniens e medio tolli poterit, si nulli chirurgus circumforaneo liberum sit medicinam internam facere, sed iis tantum, qui scientiarum medicarum expertes a collegio medico capaces reperiuntur, & ægroti deinde in eligendo medico non tam facile errare poterunt.

XIII

Tertio insignem utilitatem proceres regni ex eiusmodi collegio percipient, cum non solum ad conseruandam vel restituendam sanitatem semper consilio totius collegii citra magnos sumtus eo certiori fructu uti possint, quo maiori plures studio vires uniant, sed etiam medicos suos & chirurgos, quorum opera in aulis suis uti in animo habent, per collegium medicum prius examinare, & de eorum scientia atque experientia eo certiores esse.

XIII

Quarto eximium emolumentum ex eiusmodi instituto in publicum etiam redundat. Orta enim peste, quod Deus auertat, vel alio morbo epidemico graui, collegium omni studio inuigilabit, ut causam eius proximam scrutetur, remedium contra ortum morbum optimum inueniat & publici iuris faciat.

XV

Quinto non solum emolumento, sed honori etiam, Poloniæ erit hoc institutum, cum singulis collegii congregationibus vnus ex collegio argumentum medicinæ selectum, vel casum extra ordinem explicet, quæ quotannis in volumen collecta imprimantur, ut exteri etiam ex Polonia habeant, quæ conferre ad incrementum medicinæ possint.

XVI

Sexto ipsi collegii medici socii, orta honesta æmulatione, perfectiores inde euadent, cum alter alterum doctrina, experientia, litteris, superare conetur, & publicum ex hoc fructum reportabit.

XVII

Ex his satis clare, mea quidem sententia, & necessitas & utilitas, collegii medici Varisaviæ Regia auctoritate erigendi, intelligitur, & nil mihi superesse videtur, quam delineatio salutarium eiusmodi instituti pro bono publico legum, quarum vis in his maxime inest.

XVIII

1. Collegium medicum consistat ex omnibus medicinæ Doctoribus promotis Varſaviæ degentibus & aulae Regiæ chirurgis, ut & ex tribus ciuitatis pharmacopolis & tribus chirurgis. Chirurghi habeant sessionem & votum in rebus ad chirurgiam spectantibus, & pharmacopolæ in rebus pharmaceuticis.

2. Collegii focii singulis mensibus determinato die conueniant, & alter post alterum legat dissertationem de selecto quodam & utili medicinæ argumento, vel de cura & casu quodam extra ordinem, specimina in volumen collecta quotannis imprimantur, ut publicum inde usum hauriat. Postea deliberent, qua ratione quam optime sanitati hominum inferui possit, & in primis allaborent, quæ attineant ad sanitatem Poloniæ publicam, omniaque ea obseruet faciatque, quæ collegio sanitatis obseruanda faciendaque incumbant.

3. Nullus medicus Varſauiam veniens & ibi domiciliū collocans medicinam exerceat, nisi prius a collegio fuerit examinatus, omnesque chirurgi medicinam internam exercentes coram collegio, scientiarum medicarum experientiam probent. Sin minus, citentur coram collegio, & si non compareant, causa eorum coram iudicio supremi Regni Mareschalli, vel coram iudicio Assessoriali Regni Cancellarii supremi diiudicetur.

4. Collegium medicum vigilet pro exacta medicamentorum in pharmacopoliis præparatione & distributione, & cum in finem bis quotannis omnia pharmacopolia visitet, quæ minus recte præparata, vel inueterata inueniat, auferat.

5. Collegium habeat singulis annis alium præsidem, & vnusquisque secundum ordinem præsideat, socius autem recens in collegium receptus non præsideat nisi elapsis quatuor annis, si ordo eum tangat. Præsidis Officium sit, conuocare socios cæteros, desiderata proponere, & curare ut specimina Collegii imprimantur, ab omnibus & singulis collegii sociis diiudicata, consiliaque ab ægrotis petita expediantur per ætate minimum collegii socium. Ordo autem eorum sit secundum ætatem, qua doctores creati fuerunt. Si autem aliunde medicinæ doctor adueniat, licet ætate maior, vltimum locum occupet.

6. Omnis in collegium receptus socius soluat ad fiscum collegii pro accessione quatuor aureos numos, & ab omni pecunia, quæ collegio pro consiliis numeratur, duo aurei soluantur ad fiscum, quem præses administret, & cum calculo successoris tradat. Ex fisco hoc alatur seruus collegii, qui ex arbitrio præsidis pendeat, libri nouissimi medici comparentur, aliaque expensa ferantur. Reliqua. Scribebam Varſaviæ d. III. Septembri MDCCCLII

1872
The first of the year was a very dry one, and the crops were much injured. The weather was very hot, and the ground was very dry. The crops were much injured, and the yield was very small. The weather was very hot, and the ground was very dry. The crops were much injured, and the yield was very small.

The second of the year was a very wet one, and the crops were much injured. The weather was very cold, and the ground was very wet. The crops were much injured, and the yield was very small. The weather was very cold, and the ground was very wet. The crops were much injured, and the yield was very small.

The third of the year was a very dry one, and the crops were much injured. The weather was very hot, and the ground was very dry. The crops were much injured, and the yield was very small. The weather was very hot, and the ground was very dry. The crops were much injured, and the yield was very small.

The fourth of the year was a very wet one, and the crops were much injured. The weather was very cold, and the ground was very wet. The crops were much injured, and the yield was very small. The weather was very cold, and the ground was very wet. The crops were much injured, and the yield was very small.

The fifth of the year was a very dry one, and the crops were much injured. The weather was very hot, and the ground was very dry. The crops were much injured, and the yield was very small. The weather was very hot, and the ground was very dry. The crops were much injured, and the yield was very small.

